

焦山六上人詩

丙午夏秋

耐安署檢



09736

借菴詩鈔卷四

焦山清樾巨超著

焦山清樾巨超著

五月二十七日湖州曉發緇素十餘人送至峴山

書以誌別

海門客將歸一櫂向東放素交十二三送我龍谿上龍谿水急山尤青如送我歸去不停碧浪湖邊峴首側人家隔水如浮萍回頭我向送者揖滿船帶得青山色青山漸遠人漸遙一隊鷺鷥沙上立

夜泊濟墅關

卻喜天將暝羞教關吏知三年歸有約底事獨來遲

過常州訪洪稚存太史并乞題石田翁畫卷

借菴詩鈔

卷四

一

我至弁山往來絕一斗米竟錢五百先生獨向弁山遊  
山上梅花山下雪誰知轉眼驚三年退歸我復尋焦仙  
停舟爲乞換鵝字展卷落筆飛雲煙石田畫本傳已久  
此畫得之亦非偶卷中復得先生詩畫與新詩長不朽  
抵丹徒聞  
去日出海門曉抵丹徒聞故人送我行解纜散鵝鴨歸  
來正及晨兩岸青山夾未見波洋洋先聞聲雪雲溼煙  
萬井動涼雨一天壓正好挂蒲帆東南風一霎

還山

四年卓錫兩年凶便挂長帆趁曉風海底珊瑚收鐵網  
山中霹靂問焦桐棲遲我竟同枯木

宋枯木禪師住焦山懷慨歌

還笑陸通多少閒鷗盡相識時時來伴白頭翁

涼移枕席傍江流萬派潮聲與耳謀天遣白雲歸舊隱  
風吹黃葉報深秋忘言正合維摩詰有榻會分帛道猷  
從此不須重檢點水邊林下自優游

西牕剪燭話三生歎歲連遭夢亦驚米到出薪猶長價  
人當久別更多情重經洛社花無賴再訪莫灣鶴不鳴  
練塘下世四  
載鶴亦化矣一度相思一惆悵又聞朔雁向南征

去住曾經二十年浮雲飛過別峯前通身放下更何事  
一日能閒卽是仙山瘦尙堪容鶴骨江深已不釣龍淵  
誰知結習難消盡興發還吟落照邊

題阮梅叔孝廉珠湖漁隱圖

借菴詩鈔

卷四

二

白雲淡遙天秋色明遠樹中有漁隱人扁舟自來去  
月明湖上遊珠光曾屢見我欲溯洄從蒹葭秋一片

洪稚存買舟過訪卽次見贈韻

來尋舊雨過蝸牛六月清涼似早秋雲外客歸青玉隴  
蘆中人隔翠屏洲期王柳  
村不至江山到處君題遍瓶鉢如今

我退休好共不波亭畔宿時時清夢逐沙鷗

海門菴納涼

竹抱小樓空牕開四面風銜花松逕鹿振羽草根蟲雨  
未來江島涼先透佛宮教人動詩思一路海棠紅

觀音崖看落照次洪稚存韻

客自北江北來登西院西一教雙眼豁始覺萬峯低日

落歸帆遠雲橫古木齊山僧還煮茗留聽竹雞啼

阮芸臺中丞同江文叔過山中別後中丞見寄次

韻

偶駐蘭橈入 覲回莫教津吏鼓頻催同登一塔江心  
寺更倚雙峯月下臺物有神靈知永護軒留仰止待重  
開中丞同修仰止軒供揚忠愍公  
木主并忠愍記開煤山真蹟從今夜夜關門早只  
恐蛟龍帶雨來

探奇踏遍水雲中磴曲峯迴路盡通竹影亂搖初地月  
蘆花輕颺一帆風江山此日停雙旆圖畫他年俟兩公  
別後好詩先寄我清輝常伴佛燈紅

次吳蘭雪孝廉見贈韻

借菴詩鈔

卷四

三

未逢天下士先讀病中吟

曾讀病中  
感懷詩

作客歲華久懷人

風雨深一言能起死千古得知音只有隨園老相期證

此心時有座客論  
隨園老人詩

夜靜風尤緊談深月欲斜消愁無竹葉知已有梅花懶  
愛出林鶴枯輪逐浪槎幽人去已渺一枕夢棲霞

謂練  
塘

曲江亭

翠屏洲前山簇簇芙蓉沼傍詩人屋詩人屋號小輞川  
軒北軒南盡種竹竹裏書藏三萬軸竹外路通樵與牧  
百年前是廣陵濤此地於今作平陸中丞好古世所稀  
謂阮芸  
臺中丞訪古來及秋禾熟臨江爲構曲江亭長與詩人  
恣遠矚五州煙雨望中迷北固金焦若鼎足風帆明滅

斜陽斜魚龍出沒曲江曲我來正值廣陵秋觀濤夜忽  
思枚叔夢中有客話當年幾度滄桑陵與谷

金山

萬古江天寺僧歸月一船路從飛鳥入榻傍瘦蛟眠塔  
影墮雲外潮聲到枕邊今宵七峯閣活火試寒泉

九華山遲洪稚存不至

菴尋一宿亂雲堆爲訪禪堂老辯才倚壁千峯疑插劍  
當門萬壑似奔雷樓高榻小僧初定樹密山深客未來  
昨夜夢中曾握手醉扶明月上天臺

次性上人過訪不值韻

白雲淡空山此意憑誰語偶逐道人行花開流水處知

借菴詩鈔

卷四

四

君雲外來還向雲中去

社日來

去當社日去來當社日來來去時不真空教節序催去  
年汝去時樹頭飛落葉今年汝來時花下宿蝴蝶蝴蝶  
影翩翩春風最可憐忽驚雙燕子又剪綠楊煙

同洪稚存暨諸吟侶過翠屏洲訪王柳村以觀濤

廣陵曲江爲韻得廣字

藏書不嫌多聞見不嫌廣

時輯羣雅集初成復有江蘇詩徵之役

交結滿

天下風雨亦來往挈伴渡中流恰逢秋氣爽江亭倚夕  
暉木葉振清響坐久氣氤氳歸來波滉瀟一鏡明高空

東山明月上

十四日晚步自三詔洞至巨公厓次洪稚存韻

莫向湯湯感逝波西風落日且狂歌  
月來洞口何妨早  
山到江南不厭多  
絕世高人難再得  
經年名士喜重過  
知君豪氣猶如昔  
萬里歸來說荷戈

中秋夜同洪稚存登月波臺

如此江上月已作四年別  
況又值中秋絕無雲  
點綴先  
在  
白  
下  
來  
解  
我  
心  
愁  
絕  
月  
波  
臺  
共  
登  
萬  
里  
光  
皎  
潔  
酌  
酒  
勸  
焦  
仙  
舉  
杯  
酬  
明  
月  
月  
知  
我  
不  
飲  
與  
我  
情  
尤  
切  
有  
容  
量  
如  
海  
心  
將  
月  
共  
吸  
酒  
乾  
月  
在  
天  
一  
鏡  
懸  
空  
碧  
醉  
後  
復  
狂  
吟  
露  
冷  
桂  
花  
溼

傍花村

借菴詩鈔

卷四

五

綠楊城外北郭偏  
傍花村與虹橋連  
幾家茅屋椽籬編  
歲歲種菊如種田  
三分四摘根宜遷  
不令造化專其權  
大者若椀小若錢  
高承涼露低含煙  
御袍日照黃色鮮  
不與紅紫同爭妍  
主人留瀉藥玉船  
醉移竹榻花下眠  
鐵甕老人詩成先  
和者已得千百篇  
當時彭澤歸田園  
未必有此盛事焉  
我來正值九月天  
飢民充塞道路邊  
不愁此際愁明年  
花若有知心亦憐

送瀛洲歸吳興

西風吹片席  
九月返吳興  
柿葉霜橋店  
蘆花雪浦燈  
平沙留宿雁  
細雨送歸僧  
計到重陽日  
青山尙可登

寄張夕菴先生

一齋居傍海門秋兩度君來訪舊遊破壁詩還留子野  
虛堂畫絕似營邱霜經柿葉燈前夢露滴芙蓉江上舟  
欲把相思寄明月清光無處不句留

秋江漁父詞

老少妻孥聚一船自家辛苦自家憐順風歸去逆風住  
夜半月明沙上眠  
風餐水宿傍輕鷗夜放簾灣釣已收漫道曉粧波作鏡  
日高三丈未梳頭  
秋風木落雨霏霏稻熟圩田蟹正肥明日重陽在何處  
芙蓉江上一帆飛

揚子津邊日已斜得魚沽酒醉蘆花夜來一任風吹去  
借菴詩鈔

卷四

六

江北江南總是家

別弢菴

君來荻花秋君去荻花愁送君花似雪思君頭更白

自題直入萬峯圖

入林不嫌密入山不嫌深林密影可避山深塵不侵我  
住蝸廬二十載門前旭日生滄海旣不能讀書萬卷下  
筆如有神又不能燒丹煮石巖谷生光彩不如柳栗橫  
擔不顧人止所有者惟一身直入千峯萬峯去玉莎瑤  
草時時新何必戀羲之之巖焦公之宅從今不問蓬萊  
水清淺長著謝公登山之蠟屐

稚存先生新築歲寒草堂以詩見寄次韻

誰笑家無擔石儲新營十笏頗安舒未栽檻外干霄竹  
先置牀頭駐景書不夜簾疎鉤翡翠窺人月近吐蟾蜍  
遙知風雪情猶在家有風雪授經堂歲晚何妨更結廬

荷花塘

十數人家結隊行半填溝壑死生輕歸來檢點諸同伴  
夫少妻孥弟少兄

翠屏洲看桃花訪王柳村不值

揖峯亭向海門東十里桃花帶雨紅一艇自搖春漲裏  
全家多住彩雲中司關有鶴松臆掩註雅無人竹逕通  
新築爾雅山房日暮杖藜猶未返空教隔水問漁翁

華山畿此宋樂府也同人過華山各賦一絕

借菴詩鈔

卷四

七

儂何不獨生知君爲儂死至今山下石色帶鴛鴦紫

晚步焦公洞次稚存先生韻

一杖撥閒雲雙峯沉落日不逢汲水僧但見歸鳥疾洞  
古石哈呀洞中人突兀樓懸峭壁虛路轉入林仄水激  
銅鼓鳴下有蛟龍窟無端波忽翻狎浪輕鷗沒喚我一  
聲鐘回頭松影黑

偶爾

偶爾關心處無風落海棠生臺知有飯一鳥下空廊

城南

城南有老農耕出古時劍不知何代物猶帶血一縷  
路旁墳壘曩日夕牛羊眠斷碣字猶見景泰十二年



吳穀人祭酒見寄次韻

記得曾同魚鳥親，雙峯一別屢經春。山中屈指無多客，海內如君有幾人。閩苑神仙皆後輩，梅花風骨是前身。年來卻藉西湖水，洗盡京華夢裏塵。

羅隱

無人不識羅昭諫，金榜無名竟不知。漫道一生知己少，有人簾下讀君詩。

題馮秣生瀆川春泛圖

人間何處春先到，七里山塘歌吹好。人間何處春最多，橫塘十里搖春波。一山倒浸一谿綠，谿上人家花繞屋。賺他多少看花人，香車油碧何逡巡。馮京家住京江曲，借菴詩鈔

卷四

八

更向支硎山下築，載得詩人共往還。

謂顧  
破菴

一朝看盡山

中山爲寫瀆川圖，一幅詩成快向春。風讀明年倘我過，

橫塘打槳來尋方至堂。

題平山堂養智上人壁

去住蕪城三十霜，年年來扣贊公房。芭蕉夜雨詩人榻，楊柳春風太守堂。檻外隔江山縹緲，煙中近郭樹微茫。合教此地留眞賞，景物千秋勝大梁。

繁華到底是揚州，畫舫笙歌載客遊。十里珠簾垂水閣，二分明月滿山樓。梅花似雪香成海，草色如煙玉作鉤。只有老僧同野鶴，萬株松下每旬留。

海雲樓病起書此

誰言物不遷世界有成壞何況我與渠焉得不摧敗靜  
極動矣疑晝明夜必晦物理本自然修短毋庸慨年衰  
病屢侵死亦知無礙獨坐海雲樓一燈寒自對  
至人不役志達人豈尋事虛心以應物誠信著天地德  
爲道之源名乃爭之器爭去名亦隨得之無不利寓形  
宇宙間百歲同一寄何必學狙公朝三復暮四  
衆口能鑠金三人便成虎倘如再不察無異聾與瞽積  
毀可銷骨毀之非一朝然聽必以情莫使奸人驕會子  
豈殺人原知傳者誤三至母踰牆何況非親故

爲善無近名爲惡無近刑此語真不罔吾聞之莊生微  
善名不著善積名乃成小惡刑未及惡積刑非輕此固  
借菴詩鈔

卷四

九

天之用亦由人自攬絲毫不舛錯底事空營營

生棟自覆屋怨怒不常時弱子下其瓦慈母必舉箠此  
出人常情何足以爲奇倘出情之外亦非吾所知本無  
生死惑愛惡相交馳愛彼而惡此恐遭君子嗤

賢愚雖各適草木豈無情上下苟不交天地何由成春  
來雨一過百草皆叢生綠滿天地間莫知其所萌物隨  
時俱往往豈見其形使見見非見此心無虧盈

疾雷山可破不能破頑嚚大火劫可燒不能燒貪瞋所  
以阿修羅瞋心時刻動欲與天鬪爭敗入藕絲孔奈何  
明教嵩以瞋爲佛事坡公見已老口極稱不置

高飛知黃鵠決驟知麋鹿魚喜躍深淵猿嘗登曲木物

各自有性愛之非所欲愛尙拂其性豈容拘與束世間人亦如不肯相追逐縱使一勉強身心徒局促

過桃花菴

琳宮幽邃不辭遙爲訪支謙繫畫橈采藥未歸鐘尙靜  
司關已去鶴難招梧桐夜月新詩社楊柳春風舊板橋  
一路桃花千萬樹何人隔水問漁樵

憑虛閣

憑虛閣聽雨瀟瀟一夜潺湲響碧霄疑是夢回三詔洞  
月明風趁海門潮

過羅雨峯香葉草堂

十載重尋舊草堂綠楊城角樹蒼蒼詩壇酒國推盟主

借菴詩鈔

卷四

十

水月松風作道場陶令還鄉猶有菊維摩示疾本無牀  
凭軒欲問前生事不獨花之寺未忘

破簾

一簾已挂二十載中邊零落無光采湘妃夢斷淚痕乾  
冰絲擺落春風寒江天空闊不須捲露出羣峯眉黛淺  
雖愁客至笑奇貧不礙風吹花滿身茶煙直入長飄颺  
日未到牕先已亮侵晨只見燕雙飛無數山光來枕上

鮑北山秀才餽木瓜

楸蜀名知爾雅收多君珍重遠相投何須更讀承天賦  
好比璠璣席上留

報乏瓊琚竊自羞來知價已重申州誰云壯士無顏色

且當黃金作枕頭

甘露寺僧實賢用線一尺繫一錢手持線當胸線  
隨脈動以應時刻名曰線鐘當子時動一次亥  
時動十二次亦一奇也

天爲一大天人爲一小天三百六十骨節通一身氣血  
相周旋心之府脾之部十二經中脈可數一呼一吸六  
寸長日夜一萬三千五此中妙訣誰能知只有北固賢  
禪師線一尺錢一個垂胸前手莫墮脈隨線走使錢靈  
十二時辰從不左堂前不用自鳴鐘生尅從無卯酉冲  
當日大撓何必更造甲與子三百六十五度周天之數  
皆在我身中

借菴詩鈔

卷四

十一

同汪芷生集文杏樓

杏殘飛滿地紅對一燈愁名士宜耽酒仙人合住樓心  
空無所住道直更何求只恐東風笑花光照白頭

聞洪稚存太史五月十一日病卒詩以哭之

白雲谿繞水滌迴

白雲谿太史故居

此地多生曠代才天上不

離香案侍人間會度玉關來千秋著罷書應滿五嶽遊  
歸鬢未摧至竟神仙無別過只因貪酌紫霞杯

平邪一疏重當時不但言危行亦危

天子愛才原破格

未散館卽簡任學政

先生直道本無私懷人作

賦傷知己

太史有傷知已賦

掃葉題詩念故枝縱使身長留

替轂不如座右有良規

君恩便 賜環十年來往此焦山文章已定傳千古浩  
氣終當塞兩間不負

聖朝存直諫教遊西海許生還扁舟一葉時相過我有  
詩篇乞屢刪

記曾首夏別蝸牛別後還期泰岱遊訂八月同遊泰山客至竟

傳星忽隕心疑未敢淚交流天山月冷當年夢弱冠時夢登一

山長松百里及至伊犁過天山始悟前夢雪帳燈寒此日愁欲借長康雙決

溜為君一哭草堂秋

贈大順

唐昭宗龍紀二年改元曰大順毀菴博物好古

借菴詩鈔

卷四

蓄大順泉一枚贈上方寺僧大順余作詩寄毀

菴兼寄大順

咸通之政不可振龍紀改元曰大順紘千山頭凍雀飛  
泉苑至今猶可認師與此號名偶同世間萬物皆歸空  
毀菴好古世所罕一泉久蓄詩囊中留傳已閱人千載  
贈師永割平生愛詩成我即寄毀菴更屬師珍同寶貝

建隆寺

招提寂寂遠紛埃竹裏鶖疎映古梅荒草綠埋章武殿  
斜陽紅上落星臺尋詩客至留孫復撒手人歸憶辯才  
一度重來一惆悵西風木葉滿蒼苔

莫作

莫作天上月清光圓又缺照歡復照愁還照人離別  
莫作牀頭劍一條秋水橫有何不平事夜半匣中鳴  
莫作離亭柳長條蘸綠波不嫌攀折苦翻恨別離多  
莫作詩人筆心將萬古搜不知因底事慣寫古人愁  
莫作旗亭壁橫斜處處題怪他雙燕子飛過點春泥  
莫作嶺頭雲雲作詩裳裏孰謂我非雲去來還是我  
我有萬古心不語路人知我有萬古淚不灑青桐枝淚  
灑恐成血颯颯秋風吹秋風管搖落不管人別離今日  
與君別明日長相思因悲樹下人雙鬢已成絲

偶書

借菴詩鈔

卷四

三

一夜秋風生青山忽然改草木盡搖落萬物無光彩何  
況風前人安能不憔悴

一臥驚歲晚涓涓日東瀉水枯石見底逾淺流逾下倘  
使濁者多不如清者寡

江南春

日落江南春東風吹綠蘋梅花一夜發千里來故人故  
人忽已見楊柳鶯啼遍慰我舊相思流光如掣電

梅影

忽見橫斜映水濱相思一夜感離羣夢迴紙帳剛逢月  
影到紗牕卽是君寒與雪爭知不易瘦將我比亦難分  
欲尋來處無多路只隔山前一片雲

與君一日離惆悵不能已開門望遠山時見白雲起春風昨夜至梅花開一枝當牕手欲折翻使意遲遲林下有美人山中無驛使所思寄未能只隔盈盈水

繞郭暮山青當門春水綠君家山作屏我居雲滿谷春來潮暗生流不到君屋誰識此時情一缸春酒熟

送花詞

雙峯閣外春先來三枝五枝紅梅開山人日向樹頭折枝短枝長多不惜東風曉挂一帆遲惜花爲作送花詞山裏折花城裏送枝枝猶帶花間夢

題周聽雲太守見寄詩後

借菴詩鈔

卷四

聖朝恩最厚絕域歲初更雪積呼圖壁山連惠遠城春風留客至夜雨聽駝鳴定有丹書下天邊月送行

思退齋卽事

讀書江上樓兒童戲我側彼皆竊笑我老至戒在得況今髮已衰讀此復何益聽之心忽曠回思意反悅夕陽嶺外斜木葉林中脫縱使知其白不若守其黑春風自靄然一笑花前立

鶴壽堂見新月

新月如新婦三朝始見時含羞花掩映掃黛竹參差眉曲蛾因妬弓虛雁不知夜深休錯認簾下一鉤遲

題支遁集後

支郎眼中黃當時稱智囊不獨善微言亦且工文章揮  
元趨物化契寂瑩神光萬殊歸一致意得筌自忘逍遙  
澄澗外託跡山水鄉王濛獨祕重元度爭披張安得振  
高步千古同翱翔

海雲樓

門開樓閣海雲深座外蛟龍伴客吟風捲破簾秋擊鉢  
月來孤枕夜橫琴還山不作他鄉夢見客渾忘入世心  
若問幾生修得到梅花許我是知音

枯木堂

枯木堂開爽氣澄寒潭心印玉壺水秋深綠采經霜蕨  
夜半紅挑壓夢燈破壁詩常爭瘦鳥空山衣久付南能  
借菴詩鈔

卷四

五

年來多少閒風月盡屬東冷退院僧

性海自嘉山來卽送之高旻

無求心不煩俟命居則易有愛必有取無情始無累斷  
情先割愛歸真必捨僞宿根汝本深來亦非造次讀書  
破萬卷過目頗能記落筆走奔濤龍門曾一試棄偏卽  
歸釋所念惟六字過午勿再食晝夜常無睡身不著獸  
毛齒不挂榮利物我兩俱忘自他理一致偶說修多羅  
闡揚諸妙義直入薩婆若并得自然智如是二十年總  
持無變異去來似浮雲毒害皆爭避我觀天地間大半  
多遊戲惟汝最真實俯仰毫無愧去冬客雲陽今日嘉  
山至鬢髮盡蒼然衣襟溼寒翠明發至黃灣綠楊遮古



寺吾欲歸海昌忽生故園思今俱老更衰此別能無淚  
新燕

有信從無失年年社日歸穿花尋舊主隔水問朝暉  
與巢同補聲兼雨共飛敬之如不速未敢掩雙扉

新綠

春到江南北風吹綠盡舒遙憐新雨後薄靄晚煙初  
草沒張公渡山藏漢隱廬淺宜深更好一幅畫難如

新苔

舊院長新苔門閒懶不開客留隨地坐雨逼上階來  
路恐春霜滑紋將古字猜吾帷腰脚健藉此故遲回

新萍

借菴詩鈔

卷四

六

底事浮南北春來未有家一生無定跡前世本楊花  
遠逐樵風客輕隨釣月槎竟同吾仿佛行卽是天涯

次聽雲上人見贈韻

抱德自有成懷才豈無遇大材難爲用直理易中度  
同居兩載餘靜言一室晤身眠洞口雲衣溼花間露不著  
空色相那容見思汗離恨本無天煩惱豈有樹

同張芳洲大令石肯堂看牡丹

昨夜無端夢紫姑離心忽動影還扶搖鞭不待終絃管  
去國先應試畫圖院隔豈愁仙境杳魂消欲化彩雲孤  
匆匆又作經年別咫尺三山憶我無

石肯堂牡丹已謝松寥閣花猶爛然疊前韻

蓬島仙歸剩藐姑  
枝枝猶倩曲欄扶  
連朝遊客因遲放  
一夕開樽且後圖  
地好不愁詩境窄  
樓高偏愛月輪孤  
知君比我情尤切  
試問今宵夢有無

重登攝山尋練塘墓

江左詩僧有墓田

洪雅存太史題墓碣曰江左詩僧練塘之墓

最高峯後許

莊前名稱沒世知  
何用祭到無人亦  
可憐六代雲山遺  
舊跡一生風月付  
寒泉多情還是南  
徐客歲歲春風泣

杜鵑

練塘葬後洪太史顧汝菴陳蕪泉屢弔其墓

題鴻煙上人竹裏聽泉圖

上人愛山兼愛竹  
山中不植凡草木  
有時颯然清風來  
無數琅玕聲夏玉  
竹密不妨流水流  
絲鳴筑響山逾幽

借菴詩鈔

卷四

七

入山知有阮光祿  
看竹豈無王子猷  
竹外有山復有石  
石上潺潺谿水碧  
終朝坐石聽谿聲  
流出桃花春可惜  
上人心與竹俱空  
去來跡似天邊鴻  
夢逐雲飛山寂寂  
衣露露溼煙濛濛  
我來看山復看竹  
竹是土人真面目  
誰知竹本是前身  
曉來掩映鬢眉綠

重過黃灣卽用劉松嵐觀察弔練塘韻

菜塢灣鎖薛蘿煙  
渡口無人晚泊船  
風撼塔鈴空自語  
門開江月爲誰圓  
經翻貝葉牕恒閉  
詩刻梅檀閣已傳  
練塘有梅檀閣詩集  
我比孝成情更重  
幾回來覓舊花磚

寄南潯九峯

我昔住龍華家  
風空窵兀吳興山  
與水皆我舊檀越  
今

爾住南潯地鄰山水窟況多文字交卻愛吟風月雲門  
燈漸微洞水流將竭藉爾出一手扶起優曇鉢他日我  
南歸吳江楓葉脫倘過白蘋洲孤舟門外歇

雨過

夜涼雨初過愛此一林秋竹密風難定潮平月不流燈  
光搖破壁天影入孤舟夢與白雲接芙蓉江上樓

宿建隆寺

梵香樓映佛燈紅雪映梅花紙帳風四十餘年同一瞬  
如今剩個白頭翁

先人墓近落星臺踏遍空階繡綠苔縱使一年來一度  
此生能得幾回來

借菴詩鈔

卷四

六

贈李小商秀才讀書觀音崖

本是丹山客高居集鳳凰書聲叢樹裏鐸響亂雲堆閣  
半凌霄起牕多向水開日斜簾未捲不問海潮來

言語非高座詩書羨魯風筆參天地外道在有無中出  
處心雖異江山趣亦同我頻來剝啄休掃落花紅

贈圓覺菴復本

自覺他應覺心圓道亦圓峯高天不礙山空月來填乞  
米留詩友分甘煮石泉臨岐猶恐誤送我出寒煙

一日

一日曾三省身安影亦安不欺天地近過刻子孫難老  
至惟求靜春來只怕寒平常心卽是何必費雕鑽

寄如鵬住天台山茅蓬

高人代不乏高僧世頗稀華峯有懶漢堅臥日掩扉  
餓得米一鉢千金亦不受忽聞顯者過遁跡煙霞藪無怪  
唐堯時箕山有許由一聞天下讓洗耳臨清流

水晶菴題壁用張文貞公韻

水晶菴寂歷殿閣俯層巔路仄龍宮近峯高佛日懸寒  
梅猶帶雪老檜欲參天此墨山中寶留傳已百年

借菴詩鈔

卷四

九

借菴詩鈔卷五

焦山清恒巨超著

題樊將軍晚涼洗馬圖

將軍事業垂青史一生愛馬似愛士得士能成百世功  
得馬如乘天上龍將軍詞源浩若海時時落筆驚千載  
應笑當時鄂與袁未聞著作等身高曾經一顧空冀北  
千里馬非容易得今看一洗晚涼新多是從前汗血身

題顧弼菴太璞山看梅畫冊

吾鄉太璞山仿佛梅花街忽經先生遊到處人稱誦一  
過七賢橋七賢名更重

七賢橋

橋司有古廟東去花一村不識花間路但開花下門夜

借菴詩鈔

卷五

一

來月滿地踏遍春無痕

橋司廟東村

一谿通窈窕步卽到君家石出水清淺岸曲枝橫斜靠  
壁酒初熟無錢亦可賒

顧家步

千樹復萬樹最勝聞氏墓想茲地下人魂魄成香霧一  
日幾回來知君不能去

聞氏墓

峯頂道人居只疑天咫尺欲遮未能遮萬畝琅玕碧竹  
外數枝開有人攜蠟屐

大遮山道院

一山橫遠天日落萬峯紫路隔水田間人居冰雪裏不  
知堯帝力處處炊煙起

橫山

寺盡讓梅花門前留畫井澄澄萬古心倒臥橫斜影月

下一僧歸滿身香雪冷

梅井

人與德爲鄰佛聞香亦悟院外復有菴住本心無住坐  
見隔牆花春風吹幾度

悟佛院

石帆樓

層樓登北固江迴一帆開只恐乘風去還疑載月來高  
應凌海岳勝不讓雲臺我昔題巖壁無人長綠苔

李抱犢先生過山中索題四友圖

門開樓閣海雲浮夢繞浮山百八秋石鼎剛烹桑苧茗  
煙江又遇李膺舟高吟澤國龍應妬直入楓林路轉幽  
除卻梅蘭松與竹未知更許孰爲儔

重過翠巖室

又遇花朝日登山祝古梅人爭三百拜夢繞一千回燭

借菴詩鈔

卷五

二

影風搖帳書聲月滿臺花枝應笑我雪鬢已全摧

花朝後三日設菴宿山中

雨細風斜渡晚煙醉留一榻伴焦仙題詩慣掣凌雲筆  
時題太璞山看海書冊詩入首宴客先籌賣畫錢名固不爭傳已定心  
雖無住習難捐松寥閣外三更月移得梅花壓瘦肩

孤雁吟

秋山遠秋林稀空江日落秋煙微寒蛩露泣草根瘦孤  
雁踏雪蘆花飛笛聲何處夜將半天上無雲誰作伴嗷  
嗷叫徹五更霜照水漁燈光歷亂

趙北嵐大令放舟焦山見訪同用坡公臘日遊孤

赤城市亦江湖胸中豪氣無時無登山不用雙屐蠟渡

水不待舟人呼去年六月攜妻孥松寥三日同歡娛去年

六月躬齋遊焦山宿松寥閣三日山腰路轉曲復曲石磴峯迴紆復紆

清晨扣我竹間廬長留一鶴身非孤古初無物物豈物

自物之外惟團蒲去冬臘日趙籛夫打漿入山日欲晡

吟風坐對海雲室好寫坡公三過圖趙大令曾過三次重談往

事記無餘夢樓太守號無餘居士梅花樹下蝶蘊蘊欲尋舊夢憶

林逋如畫江山手更摹

### 題趙北嵐大令臘日遊焦山圖再疊前韻

手一笏心五湖西山爽氣無時無有時對客揮珠玉有

時投轄聲歡呼行來影不愧妻孥一鶴一琴常自娛慶

### 借菴詩鈔

#### 卷五

三

賞雖重民勿勸安之益之民誰紆不愛城郭愛吾廬焦

仙有鄰仙不孤梅花未開先早約定挂十幅春江蒲又

將疊韻寄潛夫倚檻長吟忘日晡丹青已得江道貫橫

寫江山不盡圖先生味本在三餘北牕高枕夢蘊蘊花

開夢醒憶詩逋再把山中清景摹

### 答弢菴擊竹山房見懷

雨洗花階露洗苔正當新月照經臺山高豈定留二宿

地好何妨住百回勝友世間非苟得奇峯天際忽飛來

知君竹裏門常閉不是尋詩總不開

### 金沙泉同趙北嵐作

萬壑千巖裏源源不自知蛟龍潛有窟毛髮鑑無私清

比首陽客寒如東野詩我來同一試正與此心期

顧弢菴揚子堅看梅山中

梅花分一半留待故人開細雨摧詩夢寒香入酒杯薄  
疑春霧接深逼夜潮來難得情如此東風且漫催

送黎湛谿太守赴淮海觀察任

謳歌聲裏接書聲知是文翁化已成地鎮江山雄北固  
天移節鉞駐東瀛三年綠野雙岐秀一笑黃河萬里清  
我與焦巖爭惜別還登絕頂望行旌

題徐侯齋先生澗上草堂

何處留遺象空山有草堂名曾垂宇宙志已勵冰霜古  
字莓苔跡春風翰墨香我雖方外客欲去更徬徨

借菴詩鈔

卷五

四

思退齋雜詠示蓮艇

行不在苟難名豈貴苟得惟其得之當始能傳不息善  
言類相應潔辭同則合從來至德人氣必先充塞

道不同萬物德不同陰陽君子貴誠信智巧難爲常巧  
雖用一時用多身必殃人生須直道處處皆輝光

積土成山岳能令風雨興積水成江河可使蛟龍生學  
勤心始一業致事乃精一暴十日寒終身無由成

務本貴乎孝孝稱百善先身為父母遺還爲父母全子  
春偶傷足三月堂不下面尙有憂色門人疑卽訝

王良常愛馬句踐常愛人愛馬馬能馳愛人人相親自  
古善愛者愛多及其倫未有不愛人而能及其身



吉凶在於心善惡形諸相若形不勝心雖好亦何尚  
陶古聖人色如削瓜樣必以相取人子卿談似妄  
彼自多其力則母以難概心欲智其計未可以窮敗從  
來聖賢心惟恥躬不逮然各有其責當爭亦不晦

顧弼菴自南山至松陰山房夜宿詩以寄之

知逢好友必多情再踏松陰趁晚晴  
燕蹴飛花風有致僧歸落日磬無聲  
吸乾左海天猶轉唱罷西江月正橫  
曾記昨宵殘夢醒戴公山下聽啼鶯

秋鐘

欲斷聲還續峯高度白雲遙從天半落  
近向枕邊聞月冷花殘夜霜濃  
雁失羣寒山知不遠楓葉落紛紛

借菴詩鈔

卷五

五

秋雨

愁聽雨連絲愁人夜不眠西風吹古木  
落葉下寒煙砌泣蟲無語松棲鶴可憐  
賊潮應趁勢水忽到門前

秋燈

夜牕明似雪秋點一燈疎對爾能無愧  
還山再讀書室虛惟萬卷味好在三餘  
只恐旁人笑寒光映草廬

記夢

我騎白鶴來東方夢與海客談滄桑  
一口欲吸未曾吸接天海水空茫茫  
東風一夜吹海底頃刻黃塵天外起  
一人手揮白玉鋤不種桑麻種桃李  
我心欲詰口未言

紅白花開三十里

寄阮芸臺閣學

恩榮早出帝臣班，閣總絲綸鬢未斑。玉尺慣量天下士，

公留定陶鼎及楊忠愍公墨跡於山

金華飽看浙西山。留傳寶物煙霞裏，

謂福建王先教南垓廉訪

中讀盡奇書字。宇宙秉節故人東，治去

問我碧桃灣。

顧破菴同孫淵如觀察劉星槎司馬宿鶴壽堂同

用東坡自金山放船至焦山韻

平生自笑何所耽，去來江北還江南。志存五嶽到未一，  
夢遊天姥吟將三。今年腰間再束篋，吐絲自縛如春蠶。  
入屨垂手吾豈敢，知白守黑心寧慙。於今髮白漸衰老，  
無異破楫橫江潭。興公稱疾乍歸田，未到石室情先酣。  
借菴詩鈔 卷五 六

西風落日渡海國，南樓執拂同清談。瘞鶴有銘題翠壁，

鑽丹無石留仙龕。寒沽月下酒味薄，紅挑雪裏山蔬甘。

有官棄官冠卽輕，出世在世吾非貪。雖然爛跋詩未就，

何妨夢醒歌云堪。起視庭階雪一尺，扶筇踏徧山前菴。

孫淵如觀察歸金陵途中疊韻見寄復成和作

誰云富貴非所耽，北遊趙北南燕南。有人遠謫青海外，  
屈指路經三萬三。謂雅存太史歸來意氣尚豪縱，豈效瑟縮

同冰蠶。忠言勿諱志不苟，直道而事心無慙。一年一渡

春江曲，輕舟逐浪尋珠潭。柯齋夕菴王柳村顧菴郭厚菴

共嘯詠，一見似醉松寥酣。我至弁山條四載，仍回焦隱

重高談。前年忽值歲在己，海山樓閣歸仙龕。先生解組

返白下園栽松竹貧應甘蝸廬信宿阻風雪重論往事  
名非貪歸途三日詩復和應知疊韻吾猶堪寒臆對雪  
呵凍筆先寄改菴與借菴

故人

故人來海國一見疑松喬別已經十載身尙挂一瓢耳  
日何聰明骨相何清超直似古仙人濁世誰能招西遊  
太華峯南逐錢塘潮奇書探禹穴故友尋松寥言將登  
泰岱北斗胸前搖夜半觀海日躍出黃金濤一醉卽揮  
手去若孤雲飄

雪後同顧改菴登佳處亭

長江波浩浩日月空中浮何人力可挽萬古常西流有

借菴詩鈔

卷五

七

客江上渡一葉來扁舟身披鶴氅衣疑卽元丹邱酌我  
東冷泉坐我松間樓卽此是蓬島何妨汗漫遊

千峯復萬峯峯峯俱峭拔千樹復萬樹樹樹葉皆脫我  
本白社人居此白銀闕萬象總虛明纖塵多汨沒一聲  
金磬清詩思何飄忽寒雲結不開凍殺青天月

康山主人餽藜菜十蕢卽次見寄韻

我住江鄉愧隱齊江鄉風物藉君題平生口嗜酸醎慣  
網賞君家白玉藜

凌江閣外柳初齊欲報書將燈下題莫笑雙肩同鶴瘦  
青山影裏喚黃虀

壬申元旦雪

寒雲凍結天飛花仙人樓閣爭相誇城南雪深三尺許  
萬古紅塵飛不起誰知元日雪又飄開門處處皆瓊瑤  
去年夏秋乾已極山花澗草無顏色冬來雨雪何其多  
自冬及春山猶皚爲語東風吹更緩庭前白玉花枝短  
郭蘭池雪霽見過疊坡公韻

華嚴樓閣空耽耽一僧枯坐南樓南春來雨雪晝兼夜  
何止前三復後三夜寒筆凍燈蕊落三眠三起同春蠶  
古殿深沉漏欲盡枯腸搜索無人慙昨夜簷端開霽色  
西山爽氣浮江潭有人打漿期夙約爲覓洞口山梅酣  
竹裏破樓戒勿憩松間仄徑留深談蓮花千葉湧佛座  
雲箋五色圍詩龕山厨不怪無供給連朝野菽清應甘  
借菴詩鈔

卷五

八

示我長篇韻再疊旁人卻笑心何貪杜詩療瘡君療渴  
一讀病體痊云堪頓使去來腰腳健吟聲近隔香林菴  
石首堂與性海夜話

聖莫聖堯舜其道在孝弟仁莫仁周孔其先在克己請  
觀三代後道不外倫理若論孝悌事必讀書纔是我將  
問堯舜曾讀何經史

形者生之器神者心之寶形靜則神清心蕩則神蕩萬  
人射一鵠是鵠豈能保萬物眩一生此身能不槁恣情  
復縱欲焉得不速老

繁枝少直榦惡木多橫生立身貴修德淡泊志乃明縱  
然有曲致天地無私情風吹南岸雨日落西山晴眼底

事若此何必空營營

人受一指寒必及其手足一日肩背冷四肢卽能煥折  
花不傷本其枝猶可榮移竹不傷根枝葉猶能生世間  
事盡然豈獨花與竹不同其根本枝葉何由綠

### 金線港

潮來金線港猶通石路蕭蕭響北風宋武當年曾伐荻  
不知誰識此英雄

### 陪倪竹泉漕使戴曲臺孝廉登佳處亭

落日訪雋公天教雅興同江山迎使節梅柳待春風華  
表聲留鶴晴沙爪印鴻雙峯登始半已在白雲中

### 康山草堂送小石歸西谿

### 借菴詩鈔

### 卷五

九

十年前到西谿西未曾打槩遊西谿西谿梅花千萬樹  
樹下過客頭皆低谿邊屋有高人宅谿上有僧號小石  
一從小石住西谿不斷往來名士跡無端跨鶴來揚州  
敲門日作康山遊主人愛僧僧愛客霜花每爲詩人留  
花殘月落酒已醒只恐西谿還引領作詩送汝歸西谿  
谿上長留一僧影

### 題舸齋司馬遊武夷圖

武夷山山九曲插漢峯高三十六字內名山奇亦多此  
間另出一面目武夷水水縈迴有如客去翻來歸相思  
一日腸九轉始覺人間到處非武夷君錢鏗子九返丹  
成知不死見人口口喚曾孫霞褥雲綉華幔紫元真酷

好山澤遊平生舍此無他求匡廬台蕩多踏徧西湖歲  
歲長句留奇書禹穴探已盡筆洗若耶谿水淨歸來錦  
句滿詩囊未盡東南山水興前年忽憶武夷君又買蘭  
橈訪白雲星村路繞幔亭碧肩差玉女情殷殷鐵城障  
向青天列百千柱架虹橋穴講室猶開大隱屏書燈夜  
黠明如雪振衣直上一覽臺此身似挾飛仙來小桃源  
出歸思動何況風雨頻相催山中七日世幾換矧更十  
日遊應倦便將九曲付丹青添得珠璣詩一卷

紙帳

剡谿藤八尺細潔明如練一經展畫堂四壁疑霜霰裁  
作維摩帳圍成古佛院天衣本無縫妙手何庸線隱同  
借菴詩鈔

卷五

十

住白谷夢忽來蒼弁晴雲屋中飛皓月牀頭見微微涼  
氣侵皎皎清光徧聽雪竹無聲揮毫冰滿硯爲我寫梅  
花高張明應殿

寄跡

寄跡煙江畔山連楚與吳慎言知阮籍疾世笑王符客  
久關河渺塵多筆硯蕪縱然書解著何必號潛夫

繫纜石

秦皇鞭石石不行春潮一漲如浮萍雙峯閣下石纍纍  
大者若屋小若屏未識誰將纜一繫至今痕跡莓苔青  
我對繫纜石儘望世人疑我來天上

萬壑松風圖爲馮穉生題

劉郎曾詠萬松亭，株株盡作虬龍形。日落山空人影散，  
至今亭下風猶清。惠州城東松繞屋，坡老愛之心不足。  
復名其亭曰松風，日夜臥聽聲滿谷。我亦嘗居弁山中，  
層巒疊翠環花宮。長松十里竹五里，花石澗與龍灣通。  
馮京愛松復愛水，身置千巖萬壑裏。有時隔水笙簧鳴，  
有時落月風濤起。詩瓢松頂挂瑤琴，膝上橫一彈松風。  
馮再彈海水驚，但見翩翩白鶴空中舞。不管世間有人  
無人聽，請君爲我彈一曲。時時夢繞千峯綠，不問在山  
泉水清。出山泉水濁，借此謾謾松風聲。一洗眼前塵萬  
斛。

贈眞州大令屠琴鳴次柳村韻

侂菴詩鈔

卷五

十一

易逢三歲熟，難得一官清。愛不因施衆，仁非爲近名。聞  
風知盜去，帶雨課農耕。偶向眞州宿，嫌無擊柝聲。

卯酉

我生盤古前，天地在我後。我生盤古下，日月尙非久。三  
皇及五帝，世間未曾有。汝從何處來，與我論卯酉。卯遇  
酉一冲，混沌忽然剖。黃河天上來自日，空中走足踏百  
蛟龍口。含萬星斗，躍出方之外。不經造化手，雲水爲吾  
鄉。煙霞爲吾藪，詩書爲吾糧。天地爲吾友，天地有壞時  
此心終不朽。

懷吳興故友用賈浪仙江亭晚望韻

一片雲千里飛來過，石村冷澆殘雪影。愁隔晚煙痕，筆

底驚風雨山中繞夢魂長城何處是又見月黃昏

又昨日苦短

來日苦短去日苦長年過半百頭滿雪霜爐中宿火門  
外斜陽

去日苦長來日苦短昨夜花開今朝客滿時不再至樂  
不可緩

一百二十星辰枕歌

天左旋地右旋枕與天地同方圓天恐世間太寂莫故  
教日月來往長周旋內外一氣相磅礴中藏不死仙人  
藥仙人藥豈世間無得之便似冲天鶴天高地厚中虛  
空一百二十星辰宮我得此枕如得寶况眠石室隣焦  
公焦公見卽軒渠笑何人亂鑿混沌竅不學長生學不  
死何須更置燒丹竈

借菴詩鈔

卷五

七

送朴誠上人住五州山

五州山翠裏仍作遠公家錫挂青猿樹門容白鹿車過  
谿添略徇繞閣種梅花笑指巖前鶴歸來日未斜

繆徵君香山草堂

中靜知不留裕德知無求香山有逸士卜築林塘幽開  
門綠水綠抱閣浮雲浮口不言理亂心豈無謨猷萱堂  
壽八十貧亦羅瓊饑孝養聞里閭未敢身遠遊徵車空  
反復洗耳臨清流縱得萬鍾祿不如春暉優

汝山宋宗忠簡公祠



十三戰皆捷廿餘奏不行臨終無一語只有渡河聲

來鶴亭

鶴來山有夢鶴去雲無心日夕我孤往山水空清音

巨公厓

路入桃灣境轉幽厓如待我占千秋

洪稚存太史篆巨公厓三字勒於羅

漢巖石壁

蛟龍窟近人難到猿鳥枝低月不流萬古襟懷消

積雪百年身世等浮漚那連客去吾孤往風雨時時感

舊遊

題汪雨園南歸畫冊

匆匆行李出燕都一路車聲夢有無且與黃金臺作別

照人殘月正模糊

行旅圖

借菴詩鈔

卷五

聽唱驪歌涕水濱重來一洗舊時塵多情最是南城驛

紅藕花開別故人

泚水送別圖

非關落木氣如秋不待斜陽客已愁行到魯源村斷處

幾家茅屋水空流

秋村晚景圖

山到淮徐便鬱葱一帆斜挂晚烟濃今宵定有還家夢

飛過江南嶺萬重

歸帆圖

入門翻話出門時處處逢迎有故知一種深情忘不得

公孫閣上夜題詩

夜話圖

聞雞

頭雞啼乍完二雞舌又弄一朝雞不啼萬古人皆夢

書石谷長老詩後

昌黎重大顛聰明識道理河東序浩初璞玉韞在裏卓  
卓兩鴻儒千古稱知已出處雖異途文章同一軌南泉  
指陸亘猶如夢中似藥山逢李翱一見心便許以道成  
莫逆以愛相終始豈若小丈夫朝矜而夕毀今之叅禪  
者識字以爲耻開口談六祖不立語言是吾師博雅人  
雅誦諸經史學兼性相宗深得微妙旨有時奮棒喝見  
容復彈指尙更擬議白雲千萬里閒來作韻語筆花  
香滿紙挺若寒松枝清同古井水滔滔結制人奔走不  
能止門風高莫及浮圖七級時不惟宗雷徒入室稱弟  
子卽遇韓與柳把臂入林矣

題羣雅集

借菴詩鈔

卷五

古

從來雅淡勝鮮穠一代多收此正宗大手筆爭飛彩鳳  
夜光珠已得驪龍發人議論三千載截海波濤幾萬重  
有客攜將歸日本時有日本  
客購此集高歌聲徹兩籬籠籬籠  
山名

沈叙軒司馬枉過見贈

不愁天下小脚底水雲寬石有三生舊山無萬古寒潮  
回燈漸緒酒醒夜將闌話到潯溪客謂九年非歎亦難

得胡綺茗軍門書

五載春江繫別情八行書寄五羊城威臨碧海蛟龍避  
氣壓烏雷賊盜不敢惜馳驅酬聖主不辭辛苦爲

蒼生狂濤已息旌旗偃一夜東風過幾更海洋以六十  
里爲一更

沈叙軒司馬同馮晝堂許玉年胡仰泉楊魯山顧

詠符夜宿松寥閣許君先有作次韻

壁間已見龍蛇走樽中復得蘭陵酒主人不飲客自醉  
客未曾嫌主人否朱欄屈曲連雙峯燒丹井沒仙人蹤  
司馬詩成興更劇郡丞欲去心念念夜來風急猛如虎  
萬丈潭深蛟欲舞須臾月出風稍平何處一聲江上櫓  
門開佛閣幡飄揚有人遠在天一方

謂九峯

去冬雪阻淮

陰北此際月宿東禪房誰知我亦吳中客客裏長留名  
士屐風吹一杵磬聲清月照半簾山影隔回思往事夢

難憑詩將明日寄楊凝

是日楊郡丞先歸

燈殘月落酒漸醒但

見繞閣滄波澄滄波日夜長東流弁山有客依蝸牛謂  
我故鄉日已遠歸來又忽經三秋閒房草綠深堪坐不

借菴詩鈔

卷五

五

許繼塵牕外過他年借爾作東山留得白雲高枕卧

幾日

幾日朔風號江聲捲怒濤置身孤嶼遠立脚兩峯高夜  
枕桐三尺春添水一篙梅花消息近我獨興偏豪

寄丁若亭

丁仙家住龍灣曲門外青山長繞屋別來屈指經四年  
寄我西湖詩一束顛僧年已過七旬

謂小顛

湖山風月朝

朝新錢塘藥玉船常滿長與海內詩人親丁仙愛詩復  
愛酒日逐顛僧湖上走軍門書寄五羊城

時寄胡軍門書

夢繞

六橋烟外柳六橋春至柳絲絲似我當年離別時我頭  
已白君亦老天邊月落爭相思

楊子堅韓伯巢焦山詩徵閣分賦

白衣冠

身許燕太子胷中無秦皇將軍頭既取督亢圖已裝笑  
指白虹上貫日何須送者空悲傷壯士去不復返易水  
寒咸陽晚

博浪椎

函關師一出六國何自危關東百萬衆不若此一椎一  
椎雖未中四海心搖動力士雖亡秦亦隨大索十日夫  
何爲

舉玉玦

約法三章入關先定三提玉玦王不應何須項伯舞劍

借菴詩鈔

卷五

六

殺沛公未曾封爵誅有功公還灞上璧已受何須撞碎  
雙玉斗

三月炬

秦關百二虎狼國一夫當關萬夫莫敢入楚人一炬金  
石流三月咸陽火不息皆因恃險不恃德期月而亡何  
太急上林苑阿房宮驪山處處土盡紅秦始皇秦二世  
千世萬世只兩世

哀王孫

哀王孫落魄時重瞳不識母識之哀王孫進一飯千金  
報母豈在晚

一杯羹

楚人拔滎陽不據敖倉粟反軍廣武城食思太公肉一杯羹言太武雖顧天下不顧家寄語休爲天子父

力拔山

力拔山氣蓋世奈何所過皆殘滅江中又復弑義帝漢王恐發關中兵項王久失天下計虞兮舞罷聞楚歌泣下空悲時不利

羽翼成

商山客一來太子不可易來爲太子賓心非爲羽翼羽翼成太子安家國定母后歡志不可奪哲可以保三人成虎何況四老

過鼓吏

借菴詩鈔

卷五

七

狂生氣足凌千古罵之不足繼以鼓呼吏前來吏不瞋脫袴徐徐公莫忤頭如青山峯手如白雨點三搥悲復壯壯士色俱斂此時目已無曹公只有一鼓聲蓼蓼

倪竹泉漕使用坡公韻見贈作此奉酬

山水性癖知所耽使君來自滇之南風吹蠹影度江渚三詔洞古尋將三我怕寒兼鶴骨瘦身非出火同春蠶新詩示我山嶽秀坡老再作心應慚筇追綠玉到佳處

總開竹裏窺江潭一室飛雲冷欲結

觀音崖卽古佳處亭旁有飛雲室

雙峯落日紅猶酣寒松瑟瑟倚小閣玉屑霏霏聆清談雖未敢分摩詰座還期嘯詠詩人龕山中藜藿滋味苦檻外石壑清泉甘我居卅載貧亦樂公會兩過心非貪

知與焦公有夙約夜深月出歸云堪梅花幾日紅欲吐  
再迎節鉞留松菴

江文叔歲作寒食會以薦其故友今年二月二十  
三日物故揚州不復有此會矣

一生知己半消磨四十韶華感逝波虛却今年寒食節  
綠楊城郭淚痕多

清明

紛紛連日雨況復是清明易作無家客難爭不死名布  
衣千古重寶劍一身輕此意憑誰寄飛花滿石城

登枕江樓

不嫌無地枕洪濤不倚危峯此獨高呼吸便應通帝座

借菴詩鈔

卷五

六

登臨却喜盡詩豪江山四壁圍窻几月露三更洗髻毛  
有客上頭眠最穩謂設一天星斗照揮毫

過吳家莊

電掣紫金蛇風微落豆花魚榔敲夜月水閣焙春茶寺  
古僧無恙村虛路有義吳家莊偶過我亦問桑麻

道旁柳

青青道旁柳含烟復含雨年年送別離不識離人苦折  
盡此長條春風還自舞

古意

大婦居高樓小婦花滿頭樓高人不見滿頭花影炫良  
人昨夜歸小婦春滿面

夜月白於雪微風吹野烟板橋漁火隔沙戶竹籬編客  
寄蓮花社僧栽芍藥田故人知有幾頭白更誰憐

王澹川修雲山閣落成用秦淮海韻

千秋客去酒杯空尚見雲山氣鬱葱水曲寺藏明鏡裏  
聽虛人坐綠陰中前賢偶駐笙歌夕此日重題紫翠叢  
幽邃若將名勝較當時不數大雷宮  
樊雲坪總戎同劉霞幕上舍過山中

百戰身輕奏凱旋曾移節鉞駐蠻烟旌旗影入龍門動  
鼓角聲馳鳥道懸暫解金貂離海國遠尋玉帶訪經筵  
西風偶與劉昭禹一夕松牕話寶蓮

閣名

借菴詩鈔

卷五

九

讀孟郊詩

直木有恬翼靜流無躁鱗不獨語中和亦且含天真誰  
謂郊詩寒逆旅花無春令人不如古在古已絕倫何嘗  
競刻苦百篇猶清新

顧弼菴楊子堅談鶴雛馮雨農過宿仰止軒

潮廻渡口落帆輕別久相逢意便傾人到暮年心益懶  
客來初地影俱清三生有夢燈先覺半夜無詩佛不呈  
我代椒山留一榻借他風月話離情

贈何樞堂贊府

書生投筆偶從戎平揖將軍氣吐虹醉奪營歸先倚馬  
但矜露布不矜功

賊破巢傾奏凱旋勳名豈盡入凌烟知君不敢輕黃綬  
只爲高堂雪滿顛

劉霞幕從樊雲坪總鎮駐札徐州書至賊已潰散

詩以志喜

書生偶爾學從戎一箭雙鵰墮遠空不殺飢民誠上策  
安民功却勝軍功  
聞道吳淞兵盡回紅旗捷已至燕臺山東賊盜清如洗  
指日歸來看早梅

劉生行

山僧無衣飢無食曩曩空山惟白石劉生無食更無衣  
飢餐黃獨身嘗肥僧嘗忍餓劉生哭淚洒焦公崖下竹  
借菴詩鈔

卷五

三

窮愁翻爲讀書多何用一生書滿腹

憶真州準提菴返魂梅

鐵幹留千古春風替爾招美人魂不化艷雪影難消色  
古藏詩窟香清潑酒瓢遙知回首處夢隔小團焦

正月二十三日雪

一冬無雪兼無雨天公似惜窮人苦窮人不冷富人愁  
闌煞千金狐白裘春當六九雨兼雪萬里雲多天上結  
天教雪補去年花一夜長空飛玉屑富人色喜羅杯盤  
窮人却反愁飢寒紛紛落地如填井飛入梅花不見影  
楊子堅示贈張船山太守詩卽次韻奉寄

君先擊楫訪蘇臺曾醉東風酒幾杯遇合儘奇非易得



江山縱好不輕來，千秋我覲真名士。一代天生此異才，手把瑤華花下讀，月橫雲影共低回。

寄吳興丁寶蓮

昔別年雖幼，端莊若老成。器知瑚璉重，聲喜鳳凰清。善解經多熟，能文筆不平。丹青應有路，拭目看飛鳴。

清明作

無雨無風節，喜晴離家三十二。清明雖然我已無家慣，麥飯荒墳夢亦驚。

飛雲閣

我本雲水客，身與雲相同。無心作霖雨，聚散隨長風。半閒膝可寄，四壁山皆通。偶來閣中卧，但覺烟濛濛。夢與借菴詩鈔

卷五

三

莫惜

時清莫惜髻毛衰，況有名多在口碑。作善事知無大小，能詩官不在尊卑。身輕豈畏羊腸險，道直何嫌肉眼窺。留得春歸須緩緩，一樽花下且開眉。

歸鴉

倚閭人望啟雙扉，一路寒山冷翠微。未到昏黃鴉盡返，如何人竟不知歸。

艾衲亭圖爲張補松秀才題

君家文貞公，早登集賢院。著作本清華，才猷何敏練。及至調鼎鼐，四海皆清宴。迨今歷數朝，藝典恩猶眷。

高宗純皇帝六  
巡江浙遣官致祭君家禮存公兄弟同歡忤雖屢困場

屋臚唱魁三殿寒碧齋已荒培風草亦徧惟茲艾衲亭  
尚有雕梁燕花映綠綺牕几陳龍尾硯書聲出絳帷山  
色橫琴薦余與君尊人

請漁隱先生

交從亭上見屈指廿餘

年流光疾如箭君能讀父書遺澤尤堪羨不墜先人業  
補栽松一片今忽展此圖便識春風面將當傳世世不  
與物遷變

### 寄包慎伯孝廉

知有便便腹包藏萬卷書終童識豹虎郭璞註蟲魚憩  
偶經山谷居常近佛廬我因來問字話到月明初

### 史閣部祠

借菴詩鈔

卷五

三

閣部祠開水際烟梅花雪冷自年年興亡一代終歸數  
忠毅何人得並肩墓有衣冠藏碧血書留泣涕酒青天  
應知不愧文丞相萬古心同日月懸

### 題楊子堅載酒前緣圖卽次張船山太守韻

冒懷萬古向誰開知是乾坤有數才直使東萊狂太守  
時時載酒欲飛來

焦山清恒巨超著

楊忠愍公仰止軒暨焦山書藏落成 并序

阮芸臺漕督同王柳村徵君過山中議移仰止

軒於漢隱菴後丁硯山觀察建樓五楹中奉忠

愍本主置忠愍石刻於壁並藏墨跡卷子海內

書籍為書藏於嘉慶十八年八月初十落成立

春秋祭祀 恒 作詩以志顛末

何期千古事喜共一時成風雨來袍笏江山合姓名樓

高天易曉海近月先明自有神靈護光從寶匣生

偶爾題詩句終當傍隱君 姜節愍公垓題忠愍公詩云原因報國成忠愍翻似完身

借菴詩鈔 卷六

榜隱 雙峯添俎豆四壁起烟雲報國心原赤從公德不

韋 米襄陽焦公銘云公德不韋容必茹素 我來窓下宿鸞鶴夜深聞

較勝東林寺長留天地間珍宜同寶錄藏必藉名山可

繼桓譚富無煩李謚刪他年成宛委綠字煥爛斑

縹緗分甲乙著述滿丹黃壓架紛經史連雲聚漢唐例

遵天一閣燈隔曉青堂此後同靈隱千秋誌不忘

秋夜書感

病多知老至但覺秋夜長夜長不能寐肅肅孤鴻翔鴻

飛知南北我豈無故鄉故鄉日以遠獅林日以荒親朋

別卅載焉知存與亡祝髮師未葬日夜心悲傷輾轉復

輾轉孤月明空廊

空廊月皎皎蟲聲涼四壁清輝入戶流愁照松間客客  
從鹽官來告我凶年逼小戶窶久空大戶倉無積聞之  
骨已酸思之淚欲滴念彼饑寒人豈獨親與戚

蕎麥歎

大江南與北一望千里赤高低田盡荒所望惟蕎麥蕎  
麥待秋成望雨在此日過此爲失時滂沱亦無益升米  
錢五十升麥百四十朝賤暮卽貴貴賤在頃刻豈知尤  
旱久土乾苗不出皇天本無親所依惟在德下民盡驕  
侈赫然降災厄我過凌家灣觸目空太息安得滿地花  
夜深秋月白

土井謠

借菴詩鈔

卷六

二

六月塞井底乾不愁渴死愁饑寒豈知旱魃災難去勺  
水求人人不與空塘水涸龜鼃愁山雲皆作赤火流人  
爭鑿土井來照行人影不嫌千尺深只恨無修練君不  
見一家鑿井百家歡井中自古無波瀾江南米麥同珠  
貴水比珍珠價更倍得水尙可飲得珠那能食我作土  
井謠長歌心惻惻

大畷牛行

一望千里赤高田盡荒所望惟蕎麥  
田家養牛爲耕田忙時一過牛安閒今年六月千里赤  
田不能耕牛歎息農無食牛亦飢將鬻爾曰長噫爾知  
我餓死我豈肯殺爾今將鬻爾城東邊牛未出門涕涓  
涓我今對爾先一哭牛不能言但殼觫

雁來紅

七尺珊瑚傍曲欄不愁海底網收難漢家宮闕秋多少  
一夜西風雁影寒

贈漁父

世間最樂惟漁父不管江頭風與雨獨披蓑笠對青山  
一任寒潮回遠浦賣魚卽沽酒夜醉宿蘆花一船兒與  
女夢裏尙呶啞無端一夜東風起吹過沙頭三四里五  
更夢醒月還圓疑是銀盤挂碧天

漁父荅

吾家住傍曲江曲江水不如村酒綠一竿一艇一孤篷  
以水爲家西復東維鱖與鯉貫以柳去換前村桑落酒  
借菴詩鈔

卷六

三

男娶女姓李女嫁男姓劉早晚時相見船尾與船頭今  
年魚少米亦貴得錢買酒不能醉

題朱嶽雲麥浪舫卷子

此地神仙合住家遮天綠竹萬竿斜溪邊縱有漁郎過  
不遣東風送落花

送朱嶽雲遊越州

仙家跡豈遠塵寰嶽麓曾騎鶴往還詩向高樓吟太白  
棋從別墅訪東山騰空嶺過廻金地望海亭虛指玉環  
將之玉環訪  
王竹塹通守采得蓬萊千歲藥吾將分種碧桃灣

寶華山誌公洞

脚踏洞古石青蒼石上萑蒲九節長舉世但知刀與尺

不知刀尺是齊梁

楊柳泉

出山豈似在 山清楊柳風 踈愛晚晴 試問出山因底事  
可爲霖雨救蒼生

偶成

夢繞江關跡未停 當年綠髮已星星 才非所用天應惜  
話到無稽佛豈聽 夜雨何須愁落莫 秋風誰爲感飄零  
浮邱自有神仙術 豈獨囊中相鶴經

絕句

過水一星飛 寒光落叢薄 主人尙未眠 坐對松寥閣  
山人不出門 豈知門外事 各至啟蓬門 落花吹滿地

借菴詩鈔

卷六

四

江樓對雪有懷用陶九月九日韵

一月不出門 落落無新交 閉門每獨念 毛髮忽已彫 及  
晨捲疎箔 雪滿寒山高 江樓淡旭日 積素連青霄 翻愧  
隱居逸 忽念征途勞 行行歲將暮 使我中心焦 詎知蝸  
牛廬有客 懷終朝

一種

莊生齋物每 思維物理參 差爾莫疑人 到饑寒情自切  
生從富貴苦 難知凶年米 盡同珠粒 畫閣聲還唱 柳枝  
一種歡娛一 愁絕西風落日晚 烟時

對雪示雪齋

雪齋所好惟 臨池臨池之外 耽吟詩 終朝染翰 兩袖黑

一字撚斷秋霜髭天寒筆忒硯池凍手折梅花作清供  
百尺樓高夜獨吟詩驚日走天搖夢我苦年荒筆亦荒  
齋無宿米詩無腸爾猶日夜吟不止冷嚼梅花片片香  
梅花冷洗詩腸熱詩與梅花兩清絕我今對雪作詩爲  
供養只恐心腸皆是雪

詩題夜長不寐枕上記漢史作

宋弘薦桓譚所望惟忠直及聽鼓瑟聲宜乎心惻惻  
子陽井底蛙自尊同偶人應知天下土裹足誰能親  
帝王自有真知人臣亦頗何如漢高帝無可無不可  
麥飯薄沔沱河豆粥蕪蘆亭厚德久不報至今心猶銘  
唐虞著盛德巢父尚洗耳自古聖天子皆有不賓士

借菴詩鈔

卷六

五

願效龍伯高莫學杜季良畫虎反類狗吾心非所望  
忠臣薄生降義士重死節旣爲賊所殺無令鬚汗血  
火滅江陵風河渡弘農虎事雖是偶然此語亦足取  
功臣圖雲臺馬援獨不與聖人重大節豈爲椒房慮  
我愛東平言爲善爲最樂不學楚王英圖書空造作  
續母自吳來對食涕淚垂肉方葱必寸見卽心逾悲  
毛義見檄至入喜動顏色爲親屈一時賢者豈能測  
懷金遺故人不知故人意天知地亦知爾我知無異  
明哲郭有道見幾申屠蟠卓乎不可及保身身纔安  
百八題金山滄海長老像

滄海一粟須彌一芥芥納須彌粟藏世界其大無外其

小無內淨得常樂地轉不退中流一柱金山一拳雲濤  
雪浪湧日吞天堂開大徹妙契真詮吾師卓錫月鏡高  
懸張石鞏弓何曾用手吹龍潭燈何曾用口繩牀坐斷  
柳生於肘誰道無言作獅子吼

讀明史

未到金川勢已成徒勞馬首叩連楹宮中一火因誰致  
有詔無傷叔父名

天子多從決事機退朝仍著舊緇衣若逢雞足山中客  
不待拈花笑亦微

英宗北去因王振夜薄南宮有石亨若使于謙身不死  
奪門事正恐無名

借菴詩鈔

卷六

六

幾度微行至大同歸來多錄應州功却嫌皇帝名猶小  
封號還加鎮國公

何嗜梅小何山書堂

何山山本屬君家屋底清池印白沙尙有讀書聲達旦  
一燈寒影透梅花

蕭孝子墓

誰無母誰無肝母藥久無效孝子割肝爲母餐母已愈  
兒無肝母知之淚難乾曰吾老矣何不使吾死以留吾  
子孝子含笑地下邑人過此顙猶泚墓門歲歲梅花開  
嶺頭月黑魂歸來

黎湛谿河督同楊方伯護張太守世浣市翠屏洲



田六十畝作楊忠愍公祀田作文勒石並志共  
事

天教秉節向東瀛一笑黃河幾度清枯木尚沾仙掌露  
春風還識馬蹄聲民逢樂歲謳偏切鶴住空山夢不驚  
公政似懸千里月人間無處不光明

同分清俸買桑麻樂奏迎神聽孔嘉

文有迎神  
謎神之辭

一例江

山陳俎豆千秋祠宇傍烟霞文章自古人能重碑版從  
教鼎共誇應叱六丁時守護莫教風雨被龍拏

湘江歸櫂圖爲董石舟題

歸鴻樓曉聽歸鴻樓下三湘接遠空載得衡山青九面  
一帆江上挂西風

借菴詩鈔

卷六

七

大雨寄子堅

去年六月千里赤龍宮水涸鼃鼃泣今年六月雨翻盆  
平地忽湧江湖奔十晝十夜雨不止蛟龍直入空堂裏  
龍吟我亦吟我喜龍亦喜一聲霹靂空中飛劈開一角  
青崔巍大風拔木如拔草百尺危樓樹壓倒石走觀音  
厓沙崩集鳳臺龍出海門閣閣倒山更削山高鬱鬱連  
蒼穹山留石室樓焦公何爲一旦失此幽人容處處丹  
厓翠壁泥丸封我作歌寄楊子楊子爲我吟焦公爲我  
起須臾風定雨復止門外又添三尺水

過莫愁湖

一湖烟水鏡初開雨過天光落酒杯忘却白蓮花裏坐

夜深疑是美人來  
岸柳風搖白鷺眠  
清涼山對碧娟娟  
英雄自古無他技  
只在羸人一著先

白頭贈鷹巢

常聞鷹巢名未識  
鷹巢面曾讀  
據梧集時時思一見  
鷹

巢之詩繼六朝落筆往往爭江濤  
大江東與海門接一

帆隱隱山迢迢  
京江楊與顧

楊子堅顧微卷

妙語同香雪  
酷愛

鷹巢詩稱之口不絕  
我看青山到白門  
西風何處最消

魂莫愁湖土烟初霽  
半畝塘邊日未昏  
尋師直入蓮花

社剪燭論詩雨復下  
寶帶曾留玉局蘇  
黃金欲鑄浪仙

賈朝來雨歇天尚陰  
更約念堂雪舫來相尋

談念堂秦雪舫他

借菴詩鈔

卷六

八

年携得子堅至春風一坐皆知音

登雨花臺

一自天花落千秋尚有臺  
雲光渺何處日暮更低回  
萬

古胸全豁三山雨欲來  
上方鐘已動燈火隔林隈

張舸齋司馬重遊石公山作此奉寄

先生花甲喜初周  
復挈詩人汗漫遊  
萬頃滄波消盛暑

一灣明月對新秋

明月灣

碧螺山愛留青舫  
紅藕花爭看

白頭此日莫釐同  
縹緲嵐光飛擁石公樓

贈曉崑法師

法師宗賢首洞徹  
五教義小始終  
頓圓判釋無遺意  
華

嚴會最初杲日中天  
麗聲聞耳若聾  
但知雙眼眈然與

天台家大同而小異最後演法華羣機無不至追說復  
追泯權開實卽示五千退席流一一皆授記師無一切  
心便得一切智飛錫來焦山山空滴涼翠密修大楞嚴  
七處徵心地復註般若經更合諸羣議師註楞嚴  
金剛筆說我嘗  
叩其室蓮花香撲鼻考証諸古師洵融半滿字倘非宿  
世因豈能知此事不但利他人兼之還自利  
舟過邵伯鎮一路田廬盡沒半夜抵高郵  
南風吹五兩夜半抵秦郵壁社珠先吐江城客未投夢  
隨羣雁宿天合亂雲浮我欲驅河伯東將入海流

淮陰侯釣臺

一笑淮陰侯賤受賒下辱罷釣河之魚去逐秦之鹿王

借菴詩鈔

卷六

九

齊何必假王楚亦非真誰知生與死皆屬於婦人剩此  
釣臺名不滅至今流水空鳴咽我經臺下日初斜兩岸  
蒹花飛作雪

呈黎湛谿河帥

轅門鼓角曉鴉催喜奏安瀾使已回立水波廻鄰子國  
懷山績近禹王臺一湖秋向尊前落萬櫓聲從日下來  
多少蒼生齊感戴不聞中澤雁鴻哀

渡黃河

最險莫若黃河水黃河一曲一千里東流到海竟不回  
南紆北徙無定止吾聞黃河之水天上來滔滔萬古奔  
如雷時當十月小陽候無風穩渡心顏開輕舟直抵北

亭汎萬井烟飛鴉幾陣今年秋熟少流亡不許荻花吹  
上髻

碧霞宮

黃河九曲向東來萬里多歸海一杯路轉漕渠清水合  
門通玉殿紫雲開神燈入夜知無數寶墨從天賜幾  
回我叩碧霞君始到凌霄閣迥似蓬萊與夢同驚異  
河西  
河西極目水連空況宿河西與雁同夢繞遙天孤月白  
心驚古戍一燈紅家多鵝鴨湖無稅宅近魚龍夜有風  
我本烟波垂釣客何妨身寄荻花中  
同曉崑登巨公厓懷洪稚存太史

借菴詩鈔

卷六

十

東海客從西海至一舟纜繫江頭寺留聲閣聽海潮聲  
高士鬚眉含古翠羲之厓下碧桃灣江流日夜聲潺湲  
詩題薛剔霹靂石萬丈已奪龍宮還知君祇愛名山好  
幾度看山人易老先生歸忽夢騎箕天上玉樓成太早  
柳村垂老翠屏洲練塘示寂詩人愁我去弁山今復返  
蕭蕭白髮空盈頭興來欲覓仙人跡更與參寥同著屐  
蝸牛廬轉磴盤空青玉塢巖雲滿壁巨公厓刻碧雲深  
蒼蒼石壁高千尋此厓此容并千古不知此後誰登臨

寒山道中

竹里人歸何處烟村飯熟誰家隔澗小橋流水當門古

木寒鴉

落葉聲中細雨斜陽影裏疎鐘一路爭看好景前頭突  
兀奇峯

等傅先生石室

木落淡寒烟西風吹古柏山空鶴夢清寺傍龍宮夕先  
生室本虛萬古烟霞積蘿陰四壁青天影一江碧我從  
瘴鶴處來尋岩下宅摩挲石上詩尙有千年跡欲借此  
棲遲長爲不速客當知仙與凡一水何曾隔

正月二十日將遊黃山同自持海門曉發

渡江湖正上出谷鶯初鳴行行從此始一路青山迎

慈湖

三山影半落青天一路殘陽瘦可憐尙有人談蘇峻事

借菴詩鈔

卷六

七

山崩石破此江邊

晚過青山未謁太白墓

生皆欲殺死誰憐百尺樓高俎豆懸身自己遭天上謫  
臣今復作水中仙千秋詞賦原無敵萬古蛟龍許其眠  
我過青山剛日暮未曾一拜壠頭烟

涇縣道中

落日過水西青山長不改一登烟雨亭落木深如海我  
來渡琴溪溪清石礧礧不見控鯉人谿側臺猶在隔水  
見桃花風光知久待亭名及時須領略莫使後來悔

水碓

碓近溪三折村虛綠萬重輪將天地轉杵帶水雲春有

屋何妨陋無人不取慵隣家時正午米熟待從容

雲谷下院至湯口

社結千峯裏門開積翠中蓮池真古佛雲谷舊家風  
忍草連溪碧曇花入座紅丹臺應有路我欲問支公

軒轅碑

帝王不與神仙似宮室制自黃帝始瓊樓玉宇天重重  
鸞車鶴駕虛無中黃山之雲雲五色雲外攬天松影碧  
峯頭石几與石床萬古碑還留聖跡

湯池

入山天正寒出谷水偏暖有垢必當濯無塵亦須澣  
吾生六十載蕭蕭髮已短身入萬峯深月照一池滿  
放我

借菴詩鈔

卷六

七

杖履輕解我衣帶緩先教病骨輕復使凡心斷一浴還  
更浴無人星作伴

祥符寺

此古靈泉院祥符紀宋年春寒僧抱病夜黑鬼爭權  
絕壑松虬臥虛堂石虎眠水簾晴亦雨

水簾洞名

滴瀝殿門前

紫雲菴

我與黃山曾有約十日始能到山脚隔水先聞天上雷  
登樓始識門前壑千尋壁削紫雲峯菴無客至雲常封  
無齋不煮松下石有米不敲飯後鐘山僧與我若有舊

笑折梅花爲我壽我疑已得宿命通况與司闕鶴共瘦

黃山奇本天下無絕似人間偉丈夫

佟法海詩云但憑骨氣向天立大似

人間偉丈夫

三十六峯期踏遍先從此處登天都

此種入韻

贈澡雪上人

飛來仙掌接芙蓉雷壑牕開積翠重  
白社住留千嶂雪蒼顏駐比萬年松  
山深好借眠雲榻竹密難藏出寺鐘  
門外溪聲廣長舌時時聽法有蛟龍

至慈光寺登毘盧閣

山深不見山外山雲生足底皆仙寰  
雲外不聞雲裏磬蒲團石坐僧猶定  
我携柳栗先登山身輕疾若猿猱攀  
廻龍橋轉辯源亭千尋瀑布聲潺潺  
入門殿閣深如海五馬槽空池亦改  
閣中夜夜神光飛塔上層層燈影在  
當時說法普門師廣長舌吐蓮花枝  
一莖草豎金碧起

借菴詩鈔

卷六

三

袈裟佛繡宮中施來似優曇花一現  
去落青山千萬片舍那身傍煉丹峯  
開得幽蘭花滿院

飛來洞

峯從雲外飛石向空中落設此自天然  
竟不費斧鑿只恐又飛去藤蘿千古縛

文殊臺次舸齋司馬韻

竟宿浮雲上登臨興太豪盪胸知海漲  
放眼覺天高月過山疑動巖飛屋自牢  
蓮花峰繞座一息已償勞

登始信峯

一峯如剪刀剪刀山中百獸常悲號  
摩天鵬鷲不敢近

青蒲赤鯉皆潛逃一峯卓若筆卓筆通天絕地無人惜

江令當時夢裏花生來未必高千尺對坐兩仙翁千秋

一局棋未終旁邊竟有袖手者富貴心與浮雲同丞棋

峩峩一石柱石柱立向青天高不止雲際何人出手扶

浮邱公與容成子君不見黃山六六天下奇此身不到

能無疑兩足不辭千里繭攀躋直與峯爭危今年六十

耳已順從來不信今始信脫凡橋過卽仙都縱不能飛

吾更進

宿師子林是夜雷雨冰雹次日大雪

入海知有馬海馬采蓮知有舟采蓮舟脫凡知有橋脫凡橋

峯頭釣月知有鉤釣月池路從絕壑轉腳踏飛岩抽盤旋三

十里直到天上頭平天竟與天平紅嶺竟與雲浮一登

借菴詩鈔

卷六

始信峯忘却終身憂自笑不知足得隴心還求既得師

利伴復想軒轅儔借榻師子林臥傍清涼幽清涼臺夜半

雷雨作風急搖山樓只恐山飛去一粟空中投曉起僧

指示雪片同沙鷗昨夜龍過峽甲電如飛毬天不作此

幻何能十日留此間有至樂撥火無春秋

臥雲菴

我本臥雲客來尋臥雲菴松間一錫挂石上孤猿參不

見雲滿壁積雪明花龕

曉起同自持踏雪登獅子峯頂望西海門

雷奔一夜乾坤走澗底蛟龍驚失守九霄宮裏散天花

散花雪積獅林三尺厚人看黃山雲我看黃山雪雪與

峯



雲相較此景尤奇絕雲鋪忽成海東捲西復飄雪飛滿  
天地處處皆瓊瑤開門已失燒丹井松結蒲團成一餅  
蒲團 覓食熊歸不見牀廵山虎出因埋頸時有黑虎廵山從不傷人

我携栖白登獅峯凌空一嘯驚天風呼吸上通玉帝座  
翱翔直接軒轅宮前海後海山重重羣仙出沒光明中  
光明 我恐蓮花凍欲折回頭日出扶桑紅

清凉臺

身世何勞總熱腸未登臺上已清凉生花筆倚雲常濕  
破石松連草亦香卓筆峯破石松皆在臺前縱許袁公窺雪窟從無  
豹脚到繩牀山無當時不問維摩疾那有天花墮莽蒼

花朝前一日六十初度題師子林壁

借菴詩鈔

卷六

我到人間六十年生辰正在百花先登堂客盡無烟火  
三十六峯青到天

文殊座繞玉玲瓏水作欄千雪作宮我記雪莊三詔後  
終生影不出皮篷

連朝活火煮天泉一洗今生未了緣但願生生同此水  
常將天眼照人天

絃歌隱隱隔丹霞絃歌峯丹霞峯夜半吹來月未斜我本無來

亦無去不知誰更是仙家

從石筍石下合掌峰過皮篷二十里至丞相源

黃山之路路陡絕土盡硃砂石如鐵壁削手無藤蘿攀  
峯危脚恐雲梯折黃山之松松如龍山中處處雲相從

一龍偃臥萬龍起時聽隔水鳴天風黃山之雷不在地  
阿香車在空中戲三十六峯齊動搖百千萬石多顛墜  
黃山之雪雪乍晴五日竟與天平平東西海漲浪花息  
山有東海西  
海前海後海上下谷滿珍珠明雲谷  
松谷天留十日寒猶窘  
甕裏桃花米欲盡朝來踏雪下獅峯只恐文殊暗中晒  
無人手借竹枝扶有跡路隨麋鹿引前溪臨合掌後嶺  
聳石笋不見高人閉竹門惟聞澗水聲淒冷吁嗟乎雪  
莊已化皮篷無明月尙爾烟霞孤丞相源前重回首夜  
深恐有山靈呼

訪益然大師塔山中未有知者

前生本是孤山僧今生偶作金鑿客一朝國變身亦變  
借菴詩鈔

卷六

十六

七十五年駒過隙入闕始識太陽玄回頭事事皆雲烟  
我已盡無物豈有虎能慳伏鳥隨肩前生一一皆可指  
五月五日預知死全身塔傍此仙都只許仙人同仰止  
攀蘿徧覓紫雲叢但見萬木含青葱漫道雲深不知處  
一輪皓月當虛空

仙人榜

峇成子昔此飛昇榜立丹臺第一層我過脫凡橋上看  
時時天際紫雲騰

九龍潭觀瀑布

龍峯高若天龍潭深似井一龍有一潭天生此竒境一  
龍昂然首向東二龍屈曲蟠虛空一龍回頭五龍伏身

多出沒浮雲中雲歸雲谷山如畫一道銀河天上挂衝  
開白日走千巖劃破青山分兩界不是空中匹練飛還  
疑皓月流清輝一龍下注一潭碧澄澄萬古多珠璣人  
言潭裏有珠大如斗夜夜光同明月走我來但見九條  
龍下奔珠不在潭在龍口

至雲谷下院宿

今晨開積雪今夜宿仙岑月碾千峯破雲埋一磬深溪  
聲留苦竹

苦竹溪

燈影出香林尙挹浮邱袂離情恐未禁

夜讀雁黃長老丹臺集

山僧雁黃諱大涵康熙間人工詩文住海昌安  
國寺時陳文簡公撫廣西邀長老遊羅浮山一

借菴詩鈔

卷六

七

路供給絕無行腳之苦至羅浮值梅花大放見  
仙蝶滿山亞然一笑而化文簡公爲營塔置田  
一燈冥映小牕深夜讀丹臺感不禁若遇當年陳相國  
亞然一笑也甘心

別黃山途中口占

黃海曾居十四日不知人世幾千年如何卽動歸山念  
尙有雙峯未了緣

竹杖能扶仗惠勤袈裟角染蕙蘭芬空來不許空歸去  
帶得黃山一片雲

聲聲苦竹咽離愁影落清溪未肯留料得此生難再到  
教人一步一回頭

又到長圍路已蠻過橋花放小挑灣天公不負詩人意  
一路青山送我還

太平縣東門外買舟溪清石出兩岸絕壁從亂山  
中行二日過龍門至水墩山稍平遠

看山如看友一見同故舊買舟如買屋小住何妨陋抱  
郭烟巒青過橋人影瘦仙源庶可探好景應多邁松有  
萬年枝竹喜經冬茂花開九里香草發三芝秀樹古見  
青牛山空樓白吼濛濛翠欲飛濕我藏詩袖大石障雲  
屏小石排俎豆篙師眼若電尺寸不離殼時聞拓落聲  
拓落者水中有大石舟  
師高呼讓石之口號 往往驚猿狖一峯當我前羣峯  
躡我後崇山控我左峻嶺挹我右絕似武夷山九曲天

借菴詩鈔

卷六

六

生就惜無一覽閣直上攀星宿無端急雨來忽驚天上  
漏一片黑雲遮臥竟不知畫綠溪路百轉別開一字宙  
篙師忽指點水激山疑闕此卽是龍門夕陽橫遠岫黃  
昏至水墩漸覺人烟湊一枕倚篷聽月隨燈影透

金陵道中遇雨

東風何料峭白下又逡巡霧結迷春夢山多似故人雲  
開雙闕迥天與一筇新雨亦知吾返黃昏爲洗塵

同朴誠長老夜話黃山之遊

出門天正晴爲覓仙人趾山甲天下奇石爭霞外紫一  
石成一峯峰峯不相似一石生一松松松藏石齒奇極  
仙掌峯居然伸五指秀極蓮花峯旁邊吐一蓋屈指四

十日徘徊二千里城中千萬人到者惟張李

二十年來遊黃山者

京江惟李柳衣張弼齋

若將方外論卽請自隗始因作紀遊詩先

寄參寥子

五更

五更雞未鳴牀頭夢忽醒夢中事欲追疾去毫無影回  
頭六十年亦是此光景莫作夢中夢此心常耿耿山童  
臥正酣月照梅花冷燈影隔牕紅一聲饑鶴警

結交行

結交重黃金多交必深一朝黃金盡歎息無知音男  
兒重意氣氣逼秋寥廓所感在一言死生俱可託不愛  
今人愛古人不交富貴誰交貧黃金莫問無與有交總  
借菴詩鈔

卷六

九

在心不在口

鮑野雲大令過訪山中

不下琴堂未一年歸心長在白雲邊隨身祇許凌香鶴  
解組全無負郭田但有文章同性命還携笠屐向林泉  
朝衫只爲慈親脫却比陶潛似更賢

憶昔曾追大阮遊同登百尺水邊樓

昔同令叔論山三農部登東昇樓

山影裏多風月萬竹聲中感去留我謝朱顏君亦老樽  
空綠酒座生愁如今只恐梅花笑做到神仙也白頭

十七夜月

一月一回圓人行明鏡裏月光如水流四十五萬里圓

從缺處生缺卽從圓起

雙峯花月歌同楊子堅茅蠡槎韓伯巢作

一江烟水浮春夢一花一竹寒猶凍長空月墮不敢流  
小閣窻虛雲補空春風昨夜來急催梅花開準備詩人  
至對月翻春暗月光滿地花光冷鐘敲隔水人初靜客  
飲一杯花一杯不知酒盡忘宵永三更燭跋我亦眠花  
枝屈曲橫牕前詩成我起客未睡月已朦朧花亦醉

題吳蘭雪博士廬山紀遊詩

廬山之瀑七千丈一道銀河山破雨遠公住此三十年  
送客不過虎溪邊西江博士蓮花字

自號蓮花博士

字內名山

無不至匡廬最勝遊最豪興比五老峯尤高高峰處處  
雲相逐要識廬山真面目手執綠玉杖笑拍洪崖肩來

借菴詩鈔

卷六

三

尋翟法賜疑是東林賢我到人間歲六十五岳至今未  
遊一今年已訂叩石門又悔匆匆交臂失奈何李青蓮  
頭白不歸來他時倘過讀書處使我落落萬古心胸開

海雲菴綠梅歌

迴龍軒外老梅死幾日青山哭不止詩人不來酒盞空  
明月在天光在水海雲菴裏綠梅花水姿玉骨交橫斜  
一枝冷艷倚修竹一枝屈曲橫窻紗去年雨急花墻倒  
露出徐妃半面好春風滿院午舒香我比柳村來更早  
柳村對月開清樽樽中月墜花有痕手折花枝將月吸  
花光月魄搖詩魂酒盡山空月已落一嘯還騎天上鶴

臥對梅花醒作歌思君獨倚雙峯閣

吳素江得謝文節公琥鍾琴通徵海內題詠傳爲  
藝林盛事率成一律奉寄

孤臣東向哭厓山灑入琴絲血淚斑故國已傳天水碧  
橋亭猶記兩風豨一錢良友持相贈萬里纍囚誓不還  
三尺焦桐詩百首頓教吟詠徧塵寰

六十自述

一笑無端花甲周垂垂霜雪已盈頭圖成佛祖因除髮  
做倒神仙只住樓出世豈應愁淡泊居山原不計春秋  
未曾八十思行脚趁此先將學趙州

菴借雙峰三十年金鍼玉線是家傳花間客坐蘇司業  
月下門敲賈浪仙一夜驚濤龍徙宅滿身秋露鶴歸田  
借菴詩鈔

卷六

三

何人與我交如漆只有梅花瘦可憐

憶昔機爭霹靂時青天棒與片雲知恩深莫漫誇三轉  
體淨何曾挂一絲示疾毘耶燈影小無言麻谷磬聲遲  
於今逸得真還在萬里當空月不虧

偶寫閒愁送落花春歸門外卽天涯能傳一句無非福  
但遇孤峰便作家處士丹厓雲借宿先生石室水爭譁  
多情最是南窓月慣與松陰護碧紗

檢點吾生百不能惟知米價長廬陵聲名自古人皆惜  
孝弟從來佛亦曾細剪雲衣重補衲粗留詩卷當傳燈  
天教未撒懸厓手只恐蝸牛笑我仍

五十蹉跎又六旬花朝前卽是生辰庭栽綠竹能醫俗

架有奇書不第貧已許名山留一席何勞明月問前身  
焦公昨夜來相祝古洞還期作比隣

郭小巖東岳袖雲圖

日觀峯高四十里夜半雞鳴紅日起泰山之雲不終朝  
觸石而生雨可指先生策馬遊燕臺直登泰山之頂觀  
蓬萊金泥玉簡不可得秦碑無字空莓苔蓬萊方丈渺  
難接唯見浮雲千萬疊王母晝下天門開青鳥飛來輕  
似葉滿身曉露風颭颭但聽脚底萬道銀河流袖滿白  
雲乘鶴下只恐星辰低壓頭

汪厚夫侍御別後見寄

偶逐蝸牛廬畔仙秋江半面也前緣來尋鶴院青連島

借菴詩鈔

卷六

三

去看龍山翠接天寄我詩篇飛艷雪焚香誦響清泉  
愍師本與儒同道詩愍山大師法語兩卷道在倫常卽是禪

說劍樓

自古詩人好飲酒時時擊劍蛟龍吼而今四海永爲家  
不羨龍光射牛斗張華雷煥倘復生豐城寶氣徒然驚  
不如說劍樓中住萬卷書當十五城我恐世間有酒不  
肯飲有書無暇讀有劍不能識蛟龍時屈伏今君四壁  
燈光紅酌酒還澆塊磊胸醉歌琅琅驚飛鴻嗚呼劍兮  
成雙龍

八月二十四日啖咭喇國貢使過瓜州

中國有聖人大海波不揚舟車通必至何止來越裳紅



毛琉球與日本凡有土者皆不隱東接高麗西于闐四  
五萬里猶爲近喚咭喇國路最遙手持玉帛來天朝  
天外有天盡包海外有海海盡潮言語聽皆與此異  
衣冠五色分官吏面如傅粉髮盡黃宴必牛羊飲鼓吹  
每日食時必作樂要知夷不與華同君臣禮制非周公見人無  
揖拜禮  
惟除朝而已我朝恩比前朝重幾百舳舻相護送



09500

09736

